



Bosna i Hercegovina
Federacija Bosne i Hercegovine
KANTON SARAJEVO
Općina Hadžići
**JAVNA USTANOVA
OSNOVNA ŠKOLA "HADŽIĆI"**

Босна и Херцеговина
Федерација Босне и Херцеговине
КАНТОН САРАЈЕВО
Опћина Хаџићи
**ЈАВНА УСТАНОВА
ОСНОВНА ШКОЛА "ХАЏИЋИ"**

Bosnia and Herzegovina
Federation of Bosnia and Herzegovina
CANTON SARAJEVO
Municipality of Hadžići
**PUBLIC INSTITUTION
PRIMARY SCHOOL "HADŽIĆI"**

т/ф: +387 (0) 33 408-810, а: Zlatnih ljljana 57, 71240 Hadžići, BiH s: www.oshadzici.edu.ba m: oshadzici@oshadzici.edu.ba id: 4202256020005

ŠKOLSKI ODBOR

Na osnovu člana 94. Zakona o osnovnom odgoju i obrazovanju Kantona Sarajevo („Službene novine Kantona Sarajevo“ broj: 23/17 i 33/17, 30/19, 34/20 i 33/21), člana 86. Pravila JU Osnovna škola „Hadžići“ Hadžići, člana 24. Zakona o zaštiti od požara i vatrogastvu („Službene novine FBiH“, br. 64/09), člana 55. Zakona o radu („Službene novine FBiH“, br. 26/16, 89/18 i 44/22) člana 143. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“ broj: 24/22 i 40/22), Rješenja Kantonalnog inspektora za zaštitu od požara broj: 07-04-1139-3/23 od 11.9.2023. godine i člana 32. Pravilnika o zaštiti od požara JU Osnovna škola „Hadžići“ Hadžići broj: 567-1/2020 od 13.7.2020. godine, Školski odbor JU Osnovna škola „Hadžići“ Hadžići, na **19.** sjednici, održanoj **28.9.2023.** godine, jednoglasno *donosi*

P R A V I L N I K

O IZMJENAMA I DOPUNAMA PRAVILNIKA O ZAŠTITI OD POŽARA JU OSNOVNA ŠKOLA „HADŽIĆI“ HADŽIĆI

Član 1.

(Dopuna člana 3.)

- (1) U **članu 3.** Pravilnika o zaštiti od požara JU Osnovna škola „Hadžići“ Hadžići broj: 567-1/2020 od 13.7.2020. godine (u daljem tekstu: Pravilnik), u članu 3. stav (1), iza tačke f) **dodaje se tačka g)**, koja glasi:
„g) određivanje zaposlenog lica koje će biti zaduženo da se stara o provođenju mjera zaštite od požara, s tim Da to lice bude posebno stručno osposobljeno za uspješno obavljanje poslova iz oblasti zaštite od požara;“
- (2) Dosadašnje tačke g), h), i) i j) postaju tačke **h), i), j) i k).**

Član 2.

(Izmjena naziva Poglavlja III)

Naziv Poglavlja Pravilnika „III. UNUTRAŠNJA KONTROLA SPROVOĐENJA MJERA ZAŠTITE OD POŽARA“ se **mijenja** tako da sada glasi:

„III. NAČIN VRŠENJA UNUTRAŠNJE KONTROLE PROVOĐENJA PREDVIĐENIH MJERA ZAŠTITE OD POŽARA I NAČIN VOĐENJA EVIDENCIJE O PROVOĐENJU PROPISANIH MJERA ZAŠTITE OD POŽARA“

Član 3.

(Izmjena člana 6.)

Član 6. Pravilnika **mijenja se u cijelosti** tako da sada glasi:

„Član 6.

Unutrašnju kontrolu provođenja zaštite od požara vrši zaduženo lice za provođenje mjera zaštite od požara.

Član 4.
(Dodavanje novih članova)

(1) Iza člana 6. Pravilnika **dodaju se** novi članovi **6a., 6b. i 6c.** kako slijedi:

„Član 6a.

(1) Unutrašnja kontrola provođenja mjera zaštite od požara vrši se redovnim pregledom i uvidom u:

- a) normativne akte, planove, elaborate i druge normativne akte kojim je regulirana zaštita od požara,**
- b) zapisnik inspeksijskih organa koji vrše nadzor nad provođenjem zaštite od požara,**
- c) provođenje mjera zaštite od požara predviđenih ovim Pravilnikom.“**

„Član 6b.

(1) Dužnosti, odgovornosti i ovlaštenje zaduženog lica za zaštitu od požara su:

- a) poznavanje organizacije rada i opasnosti od požara, te mjere za otklanjanje tih opasnosti,**
- b) poznavanje, praćenje i primjena u praksi zakonskih i tehničkih propisa iz oblast zaštite od požara,**
- c) poznavanje i primjena općih i drugih akata,**
- d) svakodnevno i periodično vršenje pregleda objekata, prostora, postrojenja, instalacija i uređaja sa ciljem uočavanja izvora požarnih opasnosti i kontrole provođenja mjera zaštite od požara.“**

„Član 6c.

(1) O provođenju propisanih mjera zaštite od požara moraju se od strane zaduženog lica voditi odgovarajuće evidencije i to:

- a) obučenosti zaposlenih lica prilikom stupanja u radni odnos ili promjene radnog mjesta,**
- b) o obuci zaposlenih lica prema Programu obuke zaposlenika u pravnim licima, državnim organima i drugim institucijama u oblasti zaštite od požara,**
- c) evidenciju o redovnom, periodičnom i kontrolnom pregledu, te kontrolnom ispitivanju aparata za gašenje početnih požara,**
- d) o redovnoj kontroli i ispravnosti unutrašnje i vanjske hidrantske mreže,**
- e) o redovnoj kontroli sistema aktivne zaštite od požara.“**

Član 5.
(Izmjena člana 8.)

U članu 8. stav (1) Pravilnika, izraz „domar“ se **zamjenjuje** izrazom „**domar/ložać**“.

Član 6.
(Dodavanje novog poglavlja i novih članova)

(1) Iza poglavlja Pravilnika „VIII. DUŽNOSTI RADNIKA U SLUČAJU IZBIJANJA POŽARA“ **dodaje se novo poglavlje koje glasi:**

„IX. ZAPOSLENO LICE ZADUŽENO DA SE STARA O PROVOĐENJU MJERA ZAŠTITE OD POŽARA“

(2) Dosadašnja poglavlja Pravilnika: IX, X, XI, XII i XIII **postaju poglavlja: X, XI, XII, XIII i XIV.**

(3) Iza poglavlja IX **dodaju se novi članovi 23., 24. i 25.** koji glase:

„Član 23.

Ovim Pravilnikom određuje se zaposleno lice za zaštitu od požara koje će da se stara o provođenju mjera Zaštite od požara utvrđenih Zakonom i ovim Pravilnikom.“

„Član 24.

(1) Dužnosti, odgovornosti i ovlaštenja zaduženog lica za zaštitu od požara koje vrši kontrolu provođenja mjera zaštite od požara su:

- a) poznavanje opasnosti od požara, te mjera za otklanjanje tih opasnosti,*
- b) poznavanje, praćenje i primjena u praksi, zakonskih i tehničkih propisa iz oblasti zaštite od požara,*
- c) vrši pregled objekata, prostora, postrojenja, instalacija i uređaja sa ciljem uočavanja izvora požarnih opasnosti i kontrole provođenja mjera zaštite od požara,*
- d) priprema program i zajedno s direktorom škole pravi raspored obučavanja zaposlenika iz oblasti zaštite od požara,*
- e) vodi propisane evidencije iz oblasti zaštite od požara,*
- f) radi na izradi izvještaja o zaštiti od požara,*
- g) obavlja unutrašnji nadzor nad provođenjem mjera zaštite od požara,*
- h) brine da se sredstva potrebna za zaštitu od požara, održavaju u ispravnom stanju,*
- i) predlaže Školskom odboru i direktoru škole poduzimanje efikasnih i neophodnih mjera zaštite od požara,*
- j) odgovoran je za provođenje mjera zaštite od požara utvrđenim Zakonom i ovim Pravilnikom,*
- k) obustavlja rad ako prijete neposredna opasnost od požara i eksplozije.“*

„Član 25.

Zaposleno lice zaduženo za poslove zaštite od požara mora imati najmanje srednju stručnu spremu (IV stepen) tehničkog smjera i položen stručni ispit za protivpožarnu zaštitu.

(3) Dosadašnji članovi: 23.,24., 25., 26., 27., 28., 29., 30., 31., 32., 33., postaju članovi: **26., 27., 28., 29., 30., 31., 32., 33., 34., 35. i 36.**

Član 7.

(Stupanje na snagu)

Ovaj Prailnik stupa na snagu danom donošenja.

Hadžići, 28.9.2023. godine

Djelovodni broj: 06-49-1-973-1/23

**Uz saglasnost predstavnika Sindikata
JU Osnovna škola „Hadžići“ Hadžići
kao predstavnika radnika**

Esed Čočić

PREDSJEDNICA ŠKOLSKOG ODBORA

Jasmina Rahmanović, dipl. oec

Dostaviti:

1. Oglasna ploča škole
2. Sindikalnom povjereniku Esedu Čočiću
3. a/a